

۹ جمادی الاول سنه ۱۳۳۹

پنجشنبه

۲۱ شباط سنه ۱۳۳۹

صاحب امتیاز و مدیر مسئول حسن کاظم

ملت عثمانیه - امت اسلامیہ ایچون مفید اولان آثار
صحیفه لر من آچیقدر درج ایدلمیان اوراق اعاده ایدلمز.

اداره خانه - استانبول باب عالی جوارنده
ابوالسعود جاده سی نومروه ۷ اصحاب مراجعاته
هر ساعت آچیقدر

جہانگیر

شمذیلک هفته ده بر نشر اولنور

سر محرری : مصطفی فوزی

تاریخ تاسیسی ۱۳۲۷ سنه هجری

سنه لك اعتباريله ممالك شاهانه ایچون پشین
اوله رق ۵۰ التی آیلنی ۳۰ غروش وممالك
اجنبیه ایچون ۲۰ فرانقدر .

نسخه سی ۵۰ پاره در

تصوفی ، دینی ، اخلاقی ، ادبی ، سیاسی جریده اسلامیہ در

نومروه ۱۳۴

« نفحات عشق »

هر کوهکدن قوپدی بیک فریاد و اوایلای عشق
عرض دیدار ایلیتجه دلبر رعناي عشق
صغماشکن کائناته زبده معنای عشق
صافلادی برنای ایچنده آنی مولانای عشق
خلق حوادن غرض تعلیم درس عشق ایتمش -
بوکه تفسیر ایتدی عشق آدم دانای عشق
برقع آجاردی آل آمازدی جناب یوسفه
اولماسیدی عشق ایله سکران اگر ذلای عشق
قاب قوسین ایچره انجوق عشق ایدی اصل المرام
بوکا شاهد « قندلی » ایله ما اوچای عشق
عالم افروز اولمق ایچون نور وجه احمدی
وجه مطلقین نقابن اچدی اول حسناي عشق
یا محمد دور ایدر عشقکه افلاک وزمین
خاق اولندی عشقک ایله جته الماوی عشق
بر نیکاه التفات ایت مذنبان امته
سده پاککده ایکلر بر نیجه شیدای عشق
بسته قید جنون ایلر بتون اهل دلی
شاهزین اولدقجه بویله طره لیلای عشق
لفظ « الااله » مرآة ایله یارب قلبی
اهل توحید یتر بر « لا » و بر « الا » ی عشق
شفقتیله باندیرر بیک خانهده شمع هدا
شدیله خانمانلر سوندیرر بغضای عشق
شیخ فانی کی بر روشندله پیرو اولوب
بن دخی اولدم « فریدا » بلبل کوبای عشق
عزت و اقبال دنیا به تنزل ایلم
النحاکا همدن انجوق کعبه علیای عشق

کنفری بدایت محکمه سی رئیس خربوطی

احمد فرید

تبلیغ رسمی

خاقان سابق سلطان عبدالحمید خان ثانی - حضرتلرینک دونکی بازار
کونی ارتحالاری وقوعنه بناءً نعلش منفرت نقشبترلرینک داب دیرین
سلطنت سندن توفیقاً بوصباح بکار بکی سرای هایونشدن صورت خصوصیهده

طوقبو سرای عالیسنه نقلیله تجهیز و تکفیلری اجرا و صلاة جنازه
ادا ایدلدکن سوکره اذانی ساعت ۹ راده لرنده ترتیب اولنه حق آلاي
والا ایله قالدیریلهرق جد اجدلری سلطان محمود خان ثانی - حضرتلری
تربه شریفه سنه دقلری مقتضای اراده سنیه جناب پادشاهییدن
بولونشدن .
رسم مذکورده ولیعهد سلطنت و بالجله شهزادگان حضرتانی و ذات
سائی و کالتپناهی و خدیو و صر پاشا حضرتلری و شیخ الاسلام و وکلای
فخام و صدارت و مشیخت معزوللری و اعیان و مبعوثان رئیسلری
و سفرای اجنیه و داماد حضرت شهریارای پاشا و بک افندیلر حضرتانی
و امرای عسکریه و مجلس اعیان و مبعوثان اعضای گرامندن لازم کان
ذوات و اتحاد و ترقی جمعیتی مرکز عمومیهی اعضاسی و رجال عامیه
و رؤسای روحانیه و دوائر مستشارلری شهرامینی و کبلی و استانبول
والی و کبلی و پولیس مدیر عمومیهی و داخل تشریفات اولان مأمورین
دوات و جمیات مختلفه رؤسای و مؤسسات مالیه و نافعیه و تجاریه مدیرانی
بیوک اونفورمه اکتسامی و نشان عالیلر و قوردون تعلیقی ایله حاضر
بولنه جملدر .

جنازه مراسمی

سلطان عبدالحمید خان ثانی حضرتلرینک جنازه مراسمی فوق العاده
و معطن بر صورتده اجرا ایدلشدن . جنازه صباحین ساعت دوت
بجوق راده لرنده بکار بکی سرای هایونشدن تخصیص قلنان استمبوطه ارکاب
ایدلش و سرای بروشه و بوراده خزینه هایون ارکان مأمورینی و سائر
بعض ذوات طرفلرندن استقبال اولتهرق طوقبو سرای هایوننه ایصال
ایدیلهرک خرقه سعادت دائره سمنده حاجت بنجرده سی اوکنده سلطان
احمد کرسی شیشی افندی طرفندن غسل اولمش و مراسم تجهیزیه
و تکفیه سی اذانی ساعت طقوز راده لرنده ختام بولنه حاضرین
طرفندن جنازه نمازی خرقه سعادت دائره فاخره سمنده ادا ایدلش
و بوندن صکره جنازه آلاي آتیده کی صورتده ترتیب ایدلشدن .
جنازه نك موضوع بولندیی اوزره حرم شریف حضرت نبوی اورتیلری
و خاندان سلطنته مخصوص مزین طاشلی کمرله صاریلی اولدایی حالده
تابوت حرم هایون اغواتی ، و زلفی تبردارانی و سائر بندگانک آبادی
احترامنده اولهرق طوقبو سرای هایونشدن چیقارلشدن .

جنازه نك اوکنده سواری پولیس مأمورلری ، سواری عساکر
عثمانیه ، انضباط عسکری مأمورلری ، بحریه موسیقیه سی ، بحریه
محافظ طاووری ، پیاده کوچک ضابط ، صحرا طوبجی مکتبلری طلبه لرله
اطفائیة آلاي و حربیه موسیقیه سی بولنمده ایدی .
اوکده دارالسعادة الشریفه آغاسی بولندیی حالده حرم هایون